

古尊宿語錄卷第三

密三

百丈禪師語之餘

黃檗禪師大鑑下三世嗣百丈

百丈大智禪師僧問大通智勝佛十刼坐道場
佛法不現前不得成佛道如何師云剗者
審三滯也亦云住也住一善滯於十善西國云佛
此土云覺自己鑒覺滯著於善善根人無佛
性故云佛法不現前不得成佛道觸惡住惡
名衆生覺觸善住善名聲聞覺不住善惡二
邊不依住將爲是者名二乘覺亦名辟支佛
覺既不依住善惡二邊亦不作不依住知解

名菩薩覺既不依住亦不作無依住知解始
得名爲佛覺如云佛不住佛名真福田若於
千萬人中忽有一人得者名無價寶能於一
切處爲導師無佛處云是佛無法處云是法
無僧處云是僧名轉大法輪問從上祖宗
皆有密語遞相傳授如何師云無有密語如
來無有祕密藏祇如今鑑覺語言分明覓形
相了不可得是密語從湧陀洹向上直至十
地但有語句盡屬法之塵垢但有語句盡屬
煩惱邊收但有語句盡屬不了義教但有語
句盡不許也了義教俱非也更計什麼密語
問空生大覺中如海一漚發如何師云空

喻於滄海喻於性自己靈覺之性過於虛空故云空生大覺中如海一滄發問伐林莫伐樹如何師云林者喻於心樹者喻於身因說林故生怖故云伐林莫伐樹問語也梁生招箭言既梁生不得無患患累既同繙素何辯師云但却發箭途中相拄如其相差必煩惱今有三十二相祇如今凡情是問無邊見菩薩不見如來頂相如何師云爲作有邊見無邊見所以不見如來頂相祇如今都無一切有無等見亦無無見是名頂相現問如今沙門盡言我依佛教學一經一論一禪一律一知一解合受檀越四事供養爲消得

有所傷谷中尋響累刦無形響在口邊得失在於來問却問所歸還被於箭亦如知幻不是幻三祖云不識玄旨徒勞念靜亦云認物亦見如持瓦礫用將何爲若言不見木石何殊是故見與不見二俱有失舉一例諸問本無煩惱三十二相如何師云是佛邊事本有否師云但約如今照用一聲一色一香一味於一切有無諸法一一境上都無纖塵取染亦不依住無取染亦無不依住知解者箇人日食萬兩黃金亦能消得祇如今照一切有無等法於六根門頭刮削併當貪愛有繖毫沿不去乃至乞施主一粒米一縷線箇箇披

毛戴角牽犁負重一一湏償它始得爲不依
佛佛是無著人無求人無依人如今波波貪
覓佛盡皆肯也故云久親近於佛不識於佛
性唯觀救世者輪回六趣中久乃見佛者爲
說佛難值文殊是七佛祖師亦云是娑婆世
界第一主首菩薩無端作見佛想聞法想被佛威

神力故猶降二鐵圍山不是不祥特與諸學
人作標則令諸後學人莫作與麼見聞但無
一切有無等法有無等見一箇箇三句是名如意寶是名寶華承是若作佛見法
見但是切有無等見名眼翳見所見故亦
名見縕亦名見孽祇如今念念及

一切見聞覺知及一切塵垢得盡但是一
塵一色總是一佛但起一念總是一佛三世
五陰念念誰知其數是名佛閻塞虛空是名
分身佛是名寶塔現是常歎言嗟今日所依
之命依一顆米一莖菜餉時不得食飢死不
得水渴死不得火寒死欠一日不生欠一日
寄三

不死被四大把定不如先達者入火不燒入
水不溺倘要燒便燒要溺便溺要生即生要
死即死去住自由者箇人有自由分心若不
亂不用求佛求菩提涅槃若著佛求屬貪貪
變成病故云佛病最難治謗佛毀法乃可取
食食者是自己靈覺性無漏飯鮮脫食此語

治十地菩薩病是從初至十地也。祇如今但有一切求心盡名破戒比丘名字羅漢盡名野干灼然銷他供養不得祇如今聞聲如響等喚香如風等離一切有無等法亦不住於離亦無不住知解此人一切罪垢不能相累爲求無上菩提涅槃故名出家猶是邪頃况乎世間諍論覓勝負說我能我解僉一門徒愛一弟子戀一住處結一檀越一衣一食一名一利又言我得一切無間祇是自詐祇如今能於自己五陰不爲其主被人割截節節支解都無怨咎之心亦不煩惱乃至自己弟子被人鞭打從頭至足如上一一等事

都無一念生彼我心猶依住無一念將爲是此名法塵垢十地之人脫不去流入生死河所以常勸衆人須懼法塵煩惱如懼三塗乃有獨立分假使有一法過於涅槃者亦無少許生珍重想此人步步是佛不假腳踏蓮華分身百億祇如今於一切有無等法有纖毫愛染心縱然脚踏蓮華亦同魔作若執本清淨本解脫自是佛自是禪道解者即屬自然外道若執因緣修成證得者即屬因緣外道執有即屬常見外道執無即屬斷見外道執亦有亦無即屬邊見外道執非有非無即屬空見外道亦云愚癡外道祇如今但莫作佛

見涅槃等見都無一切有無等見亦無無見
名正見無一切聞亦無無聞名正聞是名摧
伏外道無凡夫魔來是大神呢無二乘魔來
是大明呢無菩薩魔來是無上呢乃至亦無
佛魔來是無等等呢一變衆生詔曲脩羅二
變二乘詔曲脩羅三變菩薩詔曲脩羅是

密三
喻學玄旨人善能通達應機不失亦云六絕
師子誌公云隨人造作百變十地菩薩不飢
不飽入水不溺入火不燒倘要燒且不可得
燒它被量數管定佛則不與麼入火不燒倘
要燒便燒要溺便溺他使得四大風水自由
一切色是佛色一切聲是佛聲自己渾穢詔

三變淨土但是一切有無凡聖等法喻如金
鑛自己如理喻如於金金與鑛各相去離真
金露現忽有人覓錢覓寶變金爲錢與他亦
如麪牀真正無諸沙鹵有人乞餽變麪爲餽
與它亦如智臣善解王意王若行時帶仙陀
婆即便奉馬食時索仙陀婆即便奉鹽此等

四
曲心盡透過三句外得說此語菩薩清淨第
子明白所有言說不執無有一切照用不拘
清濁有病不喫藥是愚人無病喫藥是聲聞
人定執一法名定性聲聞一向多聞名增上
慢聲聞知他名有學聲聞沈空滯寂及自知
名無學聲聞貪嗔癡等是毒十二分教是藥

毒未銷藥不得除無病喫藥藥變成病病去
藥不消不生不滅是無常義怛槩經云有三
惡欲一欲得四衆圍達二欲得一切人爲我
密三門徒三欲得一切人知我是聖人及阿羅漢
迦葉經云一欲求見未來佛二欲求轉輪王
三欲求刹利大姓四欲得婆羅門大姓乃至
厭生死求涅槃如是惡欲先須斷之祇如今
但有取染連念盡名惡欲盡屬六天總被波
旬管問二十年中常令除糞如何師云但息
一切有無知見但息一切貪求箇箇透過三
句外是名除糞祇如今求佛求菩提求一切
有無等法是名運糞入不名運糞出祇如今

作佛見作佛解但有所見所求所著盡名戲
論之糞亦名糞言亦名死語如云大海不宿
死屍等閑說話不名戲論說者辯清濁名戲
論教文都總有二十一般空淘擇衆生塵累
沙門持齋持戒忍辱柔和慈悲喜捨尋常是
僧家法則會與麼會宛然依佛教祇是不許
貧著依執若希望得佛得菩提等法者似手
觸火文殊云若起佛見法見應當害已所以
文殊執劍於瞿曇齋掘持刀於釋氏如云菩
薩行五無間而不入無間地獄他是圓通無
間不同衆生五逆無間從波旬直至佛盡是
垢膩都無纖毫依執如是名二乘道況平諍

論覧勝負說我能我解祇名諍論僧不名無
為僧祇如今但不貪染一切有無諸法是名
無生是名正信信著一切法名信不具亦名
信不圓亦名偏信不具故名一闡提如今欲
得慕直悟解但人法俱泯人法俱絕人法俱
空透三句外是名不墮諸數人者是信法者
是戒施聞慧等菩薩忍不成佛忍不作衆生
忍不持戒忍不破戒故云不持不犯智濁照
慧清識濁在佛名照慧在菩薩名智在二
乘及衆生邊則名識亦名煩惱在佛名果中
說因在衆生名目中說果在佛名轉法輪在
衆生名法輪轉在菩薩名瓊珞莊嚴具在衆

生名五陰叢林在佛名本地無明是無明明
故云無明爲道體不同衆生暗蔽無明彼是
所是能彼是所聞此是能聞不一不異不
斷不常不來不去是生語句是出轍語句不
明不暗不佛不衆生恐與麼也來去斷常佛
與衆生是死語徧不徧同異斷常等是外道

審三

義般若波羅蜜是自己佛性亦云摩訶衍摩
訶是大義衍是乘義若守住自己知覺又成
自然外道不用守如今鑑覺不用別求佛若
更別求又屬曰緣外道此土初祖云心有所
是必有所非若貴一物則被一物感若重一
物則被一物感信被信感不信又成謗莫貴

莫不貴莫信莫不信佛亦不是無爲雖不是無爲又不是冥冥猶如虛空佛是大心衆生鑑覺多鑑覺雖多它鑑覺清淨貪瞋恚他不著佛是纏外人無纏牽愛取亦無無愛取知解是名具足六度萬行若要莊嚴具種種皆有如不要他不用亦不失他使得因果福智自由是脩行非是執勞負重喚作修行却不與麼三身一體一體三身一者法身實相第七識亦名醉曰答果佛同五十二禪那數同阿羅漢辟支佛同一切菩薩等同受生滅虛得名本無一切名目如云佛身無爲不墮諸數成佛獻蓋等是升合捨語要從濁辯清得名故云實相法身佛是名清淨法身毘盧

遮那佛亦名虛空法身佛亦名大圓鏡智亦名第八識亦名性宗亦名空宗亦名佛居不淨不穢土亦名在窟師子亦名金剛後得智亦名無垢檀亦名第一義空亦名玄旨三祖云不識玄旨徒勞念靜二報身佛菩提樹下佛亦名幻化佛亦名相好佛亦名應身佛是
第三

名圓滿報身盧舍那佛亦名平等性智亦名第七識亦名醉曰答果佛同五十二禪那數同阿羅漢辟支佛同一切菩薩等同受生滅虛得名本無一切名目如云佛身無爲不墮等苦不同衆生繫業等苦三化身佛祇如今於一切有無諸法都無貪染亦無無染離四句外所有言說辯才名化身佛是名千百億

化身釋迦牟尼佛亦名大神變亦名遊戲神
通亦名妙觀察智亦名第六識供養者淨三
業前際無煩惱可斷中際無自性可守後際
無佛可成是三際斷是三業清淨是三輪空
是三檀空云何比丘給侍於佛所謂不漏六
根者亦名莊嚴空無諸漏林樹莊嚴空無諸
染花果莊嚴空無佛眼約修行人法眼辨清
濁亦不作辯清濁知解是名乃至無眼寶積
經云法身不可以見聞覺知求非肉眼所見
以無色故非天眼所見以無妄故非慧眼所
見以離相故非法眼所見以離諸行故非佛
眼所見以離諸識故若不作如是見是名佛

見同色非形色名真色同空非太虛名真空
色空亦是藥病相治語法界觀云不可言即
色不即色亦不可言即空不即空眼耳鼻舌
身意不納一切有無諸法名轉入第七地七
地菩薩不退七地向上三地菩薩心地明白
易染說火即燒從色界向上布施是病慳貧
是藥從色界向下慳貪是病布施是藥有作
戒者割斷世間法但不身手作無過名無作
戒亦云無表戒亦云無漏戒但有舉心動念
盡名破戒祇如今但不被一切有無諸境惑念
亂亦不依住不惑亂亦無不依住知解是名
徧學是名勤護念是名廣流布未悟未解時

名母悟了名子亦無無悟解知解是名母子
俱喪無善纏無惡纏無佛纏無衆生纏量數
亦然乃至都無一切量數纏故云佛是出纏
過量人貪愛知解義句如母愛子唯多與昇
酥與消與不消都忘不知此語喻十地受人
天尊貴煩惱生色界無色界禪定福樂煩惱

卷三

八

不得自在神通飛騰隱顯徧至十方諸佛淨
土聽法之煩惱學慈悲喜捨因緣煩惱學空
平等中道煩惱學三明六通四無闇煩惱幸
大乘心發四弘誓願煩惱初地二地三地四
地明解煩惱五地六地七地諸知見煩惱八
地九地十地菩薩雙照二諦煩惱乃至季佛

果百萬阿僧祇諸行煩惱唯貪義句知解不
知却是繫縛煩惱故云見河能漂香象問見
否答曰見問見後如何答曰見無二既云見
無二不以見見於見若見更見爲前見是爲
後見是如云見見之時見非是見見猶離見
見不能及所以不行見法不行聞法不行覺
法諸佛疾與授記難曰見既不是授記之言
復何用記師云先悟宗人不被一切有無諸
法相拘如浣垢衣故云離相名佛虛實盡不
存中旨獨玄玄達一路同道後進契其階故
云授記耳無明爲父貪愛爲母自己是病醫
自己是藥自己是刀還殺自己無明貪愛父

母故云殺父害母一語類破一切法喚非時
食者亦復如是祇如今但是一切有無等法
盡是契非時食亦名惡食是穢食置於寶器
是破戒是妄語是雜食佛是無求人如今貪
求一切有無諸法但是所有所作皆背也却
是謗佛但有貪染盡名授手祇如今但不貪
卷三

無所得此人是大施王是師子吼亦不依住
無所得亦無不依住知鮮是名六絕師子人
我不生諸惡不起是納湏弥於芥子中不起
一切貪嗔八風等是悉能吸四大海水入口
中不受一切虛妄語言是不入耳中不令身
起一切惡於人是納一切火於腹中祇如今
於一一境不惑不亂不嗔不喜於自己六根
門頭刮削併當得淨潔是無事人勝一切知
鮮頭陀精進是名天眼亦名了照爲眼是名
法界性是作車載曰果佛出世度衆生則前
念不生後念莫續前念業謝名度衆生前念
若嗔即將喜藥治之即名爲有佛度衆生但
念盡名野干祇如今於藏腑中都無所求都

是一切言教祇如治病爲病不同藥亦不同
所以有時說有佛有時說無佛實語治病病
若得瘥箇箇是實語治病若不瘥箇箇是虛
妄語寔語是虛妄語生見故虛妄是實語斷
衆生顛倒故爲病是虛妄祇有虛妄藥相治
佛出世度衆生是九部教語是不了義教語
瞋及喜病及藥搃是自己更無兩人何處有
佛出世何處有衆生可度如經云實無衆生
得滅度者亦云不受佛菩提不貪染有無諸
法名爲度它亦不守住自己名爲自度爲病
不同藥亦不同處方不同不得一向固執依
佛依菩提等法盡是依方故云至於智者不

得一向教中所辯喻於黃葉亦如空拳詎小
兒若人不知此理名同無明如云行般若菩
薩不得取我語及依教勸瞋如石頭愛如河
水祇如今但無瞋無愛是透山河石壁直爲
治蠱俗病多聞辯說治眼病從人至佛是得
從人至地獄是失是非亦然三祖云得失是
密二十一
非一時放却不執住一切有無諸法是名不
住有緣亦不依住不依住是名不住空忍執
自己是佛自己是禪道解者名內見執因緣
脩証而成者名外見誌公云內見外見俱錯
眼耳鼻舌各各不貪染一切有無諸法是名
受持四句偈亦名四果六入無迹亦名六通

祇如今但不被一切有無諸法閑亦不依住
不閑亦無不依住知解是名神通通不守是名無神
神通如云無神通菩薩足迹不可尋是佛向
上人最不可思議人是自己天是智照讚即
喜喜者屬境境是天讚是人人天交接兩得
相見亦云淨智爲天正智爲人本不是佛向
渠說是佛名躰結祇如今但莫作佛知解亦
無無不依住知解是名滅結亦名真如亦名
躰如求佛求菩提名現身意祇如今但有一
切求心盡名現身意如云求菩提雖是勝求
重增塵累求佛是佛衆求一切有無諸法是
衆生衆祇如今鑑覺但不依住一切有無諸

法是不入泉祇如今於一一聲香味觸法等
不愛於一境不貪但無十句濁心是了因
成佛學文句覓解者名緣因成佛見佛知佛
則得說佛有知有見却是謗佛若云佛知佛
見佛聞佛說即得見火即得火見即不得如
刀割物即得物割刀即不得知佛人見佛人

第十三

十

聞佛人說佛人如恒河沙是佛知是佛見是
佛聞是佛說萬中無一祇爲自無眼依它作
眼教中喚作比量智祇如今貪佛知解亦是
比量智世間譬喻是順喻不了義教是順喻
了義教是逆喻捨頭目髓腦是逆喻如今不
愛佛菩提等法是逆喻難捨喻於頭目髓腦

如照著一切有無境法名頭被一切有無境法相撓著名手都未照前境特名髓腦聖地習凡因佛入衆生中同類誘引化導同渠餽鬼肢節火然與渠說般若波羅蜜令渠發心若一向在聖地憑何得至彼共渠語佛入諸類與衆生作船筏同渠受苦無限勞極佛入

苦處亦同衆生受苦佛祇是去住自由不同衆生佛不是虛空受苦何得不苦若說不苦此語違負等閑莫說錯說佛神通自在不自在且慚愧人不敢說佛是有爲是無爲不敢說佛自由不自由除讚藥方外不欲得露現兩頭覲陋教云若人安佛菩提置有所是追

是暗爲藏明頭迹明暗都遣莫取無取亦無無取他不明不暗王宮生納耶輸陀羅八相成道聲聞外道妄想所計如云非雜食身純陀云我知如來決定不受不食第一湏具兩隻眼黑破兩頭事莫祇帶一隻眼向一邊行即有那箇邊到功德天黑暗女相隨有智主

人二俱不受祇如今心如虛空相併學始有所成西國高祖云雪山喻大涅槃此土初祖云心心如木石三祖云兀爾忘緣曹溪云善惡都莫思量先師云如迷人不辯方所肇公云閉智塞聰獨覺冥冥者矣文殊云心同虛空故敬禮無所觀甚深修多羅不聞不受持祇如今但是一切有無諸法都不見不聞六根杜塞若能與麼學與麼持經始有脩行分者箇語逆耳苦口可中與麼作得至第二第
密三
三生能向無佛處坐大道場示現成等正覺變惡爲善變善爲惡使惡法教化十地菩薩使善法教化地獄餓鬼能向明處解明縛能

向暗處解暗縛撮金成土撮土成金百般作得變弄自由於恒沙世界外有求救者婆伽婆即披三十二相現其人前同渠語音與渠說法隨機感化應物殊形變現諸趣離我我所猶屬彼邊事猶是小用亦是佛事門中次大用者大身隱於無形大音匿於希聲如木

中之火如鐘鼓之聲因緣未具時不可言其有無傍報生天棄之如涕唾菩薩六度萬行如乘死屍過嶧如在牢獄廁孔得出佛披三十二相相喚作垢膩之衣亦云若說佛一向不受五陰無有是處佛不是虛空何得一向不受佛祇是去住自由不同衆生從一天界

至一天界從一佛刹至一佛刹諸佛常法又云若據三乘教受它信施供養他在地獄中菩薩行慈悲同類化導報恩不可常在涅槃又云如火見火但莫手觸火不燒人祇如今但無十句濁心貪心愛心染心瞋心執心住心依心著心取心應但是一句各有三句箇

卷三

十三

箇透過三句外但是一切照用任聽縱橫但是一切舉連施為語默啼笑盡是佛慧
藥州黃檗斷際禪師諱希運乃福州人也師初到洛京行乞吟添鉢聲有一姪出林扉間云太無厭生師云汝猶未施責我無厭何耶
姪笑而掩扉師異之進而與語多所發擗湏

史諱去姪告之曰可往南昌見馬大師師至南昌大師已遷寐聞塔於石門遂徃瞻禮時百大大智禪師廬于塔傍師序其遠來之意願聞平日得力句百丈乃問巍巍堂堂從何方來師曰巍巍堂堂從嶺南來丈曰巍巍堂當爲何事師曰巍巍堂堂不爲別事便札拜又舉我再參馬大師侍立次大師頤繩床角拂子我問即此用離此用大師云汝他後開兩片皮將何爲人我取拂子豎起大師云即此用離此用我挂拂子舊處被大師震威一喝我直得三日耳齋師聞是語不覺吐舌丈云子已後莫承嗣馬大師去否師云不然

今日因師舉得見馬祖大機大用且不識馬祖若嗣馬祖已後喪我兒孫文云見與師齊減師半德子甚有超師之作百丈一日問師甚處來師云大雄山下採菌子來丈云還見大虫麼師作大虫聲丈拈斧作斫勢師與丈一掌丈吟吟而笑即歸上堂云大雄山下有一大虫汝等諸人也湏好看百丈老漢今日親達一口師在百丈普請開田次丈問運閑梨開田不易師云隨衆作務丈云有煩道用師云爭敢辭勞丈云開得多少田師將鑊築地三下丈便喝師掩耳而去師問百丈從上宗乘如何指示於丈援坐師云後

代兒孫將何傳受丈云我將謂你是箇人便起去南泉問師黃金爲城白銀爲壁是甚人居居止處師云聖人居止處泉云更有一人居何國土師近前叉手而立泉云道不得何不請王老師道師云更有一人居何國土泉云可惜許臺師上堂大衆纔集師拈拄杖

一時打散復召大衆衆回首師云月似彎弓少兩多風十四師一日捏拳謂衆云天下老和尚總在這裏我若放一線道從汝七疊八橫若不放過不消一捏時有僧問放一線道時何師云七縱八橫云不放過時如何師云普裝相國一日請師至郡以所解一編示師師

安置於座略不披閱良久曰會麼裴曰未測
師曰若便恁麼會得猶較些子若也形於紙
墨何有吾宗裴乃贈詩一章曰自從大士傳
心印額有圓珠七尺身掛錫十年棲蜀水浮
盃今日渡漳濱一千龍象隨高步萬里香花
結勝目擬欲事師為弟子不知將法付何人
師亦無喜色自爾黃檗門風盛于江表矣

問如何是道如何脩行師云道是何物汝欲
修行問諸方宗師相承參禪學道如何師云
接引鈍根人語未可依憑云此既是接引鈍
根人語未審接上根人復說何法師云若是
上根人何處更就它覓它自己尚不可得何
可得便同虛空否師云虛空早晚向你道有
卷三十五同有異我整如此說你便向者裏生解云應
是不與人生解耶師云我不曾教你要且解
屬於情情生則智闍云向者裏莫生情是否
師云若不生情阿誰道是問纔向和尚處發
言爲什麼便道話墮師云汝自是不鮮語人

有什麼墮負。問向來如許多言說皆是抵敵語。未曾有實法指示於人。師云實法無顛倒汝今問處。自生顛倒。覓什麼實法。云既是問處。自生顛倒。和尚答處。如何。師云。你且將物照面看。莫晉它人。又云。只如箇癡狗。相侶見物動處。便吠風吹草木也。不別。又云。我此禪宗。從上相承。已來不曾教人求知求解。只云學道。早是接引之詞。然道亦不可學。情存學者。却成迷道。道無方所。名大乘心。此心不在内外中間。實無方所。第一不得作知解。只是說汝如今情量處。爲道情量。若盡心無方所。此道天真本無名字。只爲世人不識。迷在

情中。所以諸佛出來說破此事。恐你諸人不了。權立道名。不可守名而生解。故云得魚忘筌。身心自然達道識。心達本源。故號爲沙門。沙門果者。從息慮而成。不從學得。汝如今將心求心。傍它家舍。只擬學取。有什麼得。時古人心利。纔聞一言。便乃絕學。所以喚作絕學。無爲。閑道人。今時人。只欲得多知多解。廣求文義。喚作脩行。不知多知多解。翻成壅塞。唯知多與兒酥乳喫。消與不消。都搃不知。三乘學道人。皆是此樣。盡名食不消者。所謂知解。不消。皆爲毒藥。盡向生滅中取真如之中。都無此事。故云。我王庫內無。如是刀。從前所有。

一切解處盡湏併却令空即是空如來藏如
世間亦云我於然燈佛所無少法可得此語
只爲空你情解知量但消融表裏情盡都無
依執是無事人三乘教網只是應機之樂隨
宜所說臨時施設各各不同但能了知即不

卷三

十六

被惑第一不得於一機一教邊守文作解何
以如此實無有定法如來可說我此宗門不論
此事但知息心即休更不用思前慮後問問
後上來皆云即心是佛未審即那箇心是佛
師云你有幾箇心云爲復即凡心是佛即聖
是佛師云何處有凡聖心耶云即今三乘中

說有凡聖和尚何得言無師云三乘中分明
向你道凡聖心是妄你今不解返執爲有將
空作實豈不是妄妄故迷心汝但除却凡情
聖境心外更無別佛祖師西來直指一切人
全體是佛汝今不識孰凡孰聖向外馳騁還
自迷心所以向汝道即心是佛一念情生即
墮異趣無始已來不異今日無有異法故名
成等正覺云和尚所言即者是何道理師云
覓什麼道理纔有道理便即心異云前言無
始已來不異今日此理如何師云只爲免故
汝自異它汝若不免何處有異云既足不異
何更用說即師云汝若不認凡聖阿誰向汝

道即耶若不即心亦不心可中心即俱忘阿
你更擬向何處覓去 問妄能鄣自心未審
而今以何遣妄師云起妄遣妄亦成妄妄本
無根只因分別而有你但於凡聖兩處情莫
計念自然無妄更擬若爲遣它都不得有纖
毫依執名爲我捨兩臂必當得佛云既無依
卷三十七
執當何相承師云以心傳心云若心相傳云
何言心亦無師云不得一法名爲傳心若了
此心即是無心無法云若無心無法云何名
傳師云汝聞道傳心將謂有可得也所以祖
師云認得心性時可說不思議了了無所得
得時不說知此事若教會何堪也 問只如

目前虛空可不是境豈無指境見心乎師云
什麼心教汝向境上見設汝見得只是箇照
境底心如人以鏡照面縱然得見眉目分明
元來只是影像何關汝事云若不日照何時
得見師云若也涉因常須假物有什麼了時
汝不見它向汝道撒手佢君無一物徒勞謾
說數千般云他若識了照亦無物耶師云若
是無物更何用照你莫開眼寐語去上堂云
百種多知不如無求最第一也道人是無事
人實無許多般心無事亦無散去 問如何
是世諦師云說葛藤作什麼本來清淨何假
言說問答但無一切心即名無漏外江每日

行住坐卧一切言語但莫著有爲法出言瞬
目盡同無漏如今末法向去多是學禪道者
皆著一切聲色何不與我心心同虛空去如
枯木石頭去如寒灰死火去方有少分相應
若不如是他日盡被閻老子拷你任你但離
却有無諸法心如日輪常在虛空光明自然
不照而照不是省力底事到此之時無棲泊
處即是行諸佛路便是應無所住而生其心
此是你清淨法身名爲阿耨菩提若不會此
意縱你學得多知勤苦脩行草衣木食不識
自心盡名邪行定作天魔眷屬如此脩行當
復何益故誌公云佛本是自心作那得向文

字中求假饒你學得三賢四果十地滿心也
只是在凡聖內坐不見道諸行無常是生滅
法勢力盡箭還墜招得來生不如意爭佞性
爲實相門一超直入如來地爲你不是與麼
人須要向古人建化門廣學知解誌公云不
逢出世明師枉服大乘法樂你如今一切時
中行住坐臥但學無心久久雖實爲你力量
密三
小不能頓超但得三年五年或十年須得箇
入處自然會去爲汝不能如是須要將心學
禪學道佛法有什麼交涉故云如來所說皆
爲化人如將黃葉爲金止小兒啼決定不實
若有實得非我宗門下客且與你本體有甚

交涉故經云實無少法可得名爲阿耨菩提
若也會得此意方知佛道魔道俱錯本來清
淨皎皎地無方圓無大小無長短等相無漏
無爲無迷無悟了了見無一物亦無人亦無
佛大千沙界海中漚一切聖賢如電拂一切
不如心真實法身從古至今與佛祖一般何
處欠少一毫毛既會如是意大須努力盡今
生去出息不保入息問六祖不會經書何
得傳衣爲祖秀上座是五百人首座爲教授
師講得三十二本經論云何不傳衣師云爲
它有心是有爲法所脩所證將爲是也所以
五祖付六祖六祖當時只是默契得密授如

來甚深意所以付法與它汝不見道法本法
無法無法法亦法今付無法時法法何曾法
若會此意方名出家兒方好修行若不信云
何明上座走來大庾嶺頭尋六祖六祖便問
汝來求何事爲求衣爲求法明上座云不爲
衣來但爲法來六祖云汝且暫時歛念善惡
卷三
都莫思量明上座乃稟言六祖云不思善不
思惡正當與麼時還我明上座父母未生時
面目來明上座於言下忽然默契便禮拜云
如人飲水冷暖自知某甲在五祖會中枉用
三十年功夫今日方知不是六祖云如是到
此之時方知祖師西來直指人心兒成佛

不在言說豈不見阿難問迦葉云世尊傳金
欄外別傳何法迦葉召阿難阿難應諾迦葉
云倒却門前刹竿著此便是祖師之標榜也
甚生阿難三十年為侍者只為多聞智慧被
佛呵云汝千日學慧不如一日學道若不學
道滴水也難消夫出家人湏知有從上來事

分始得且如四祖下牛頭橫說豎說猶未知
向上關捩子有此眼力方辨得邪正宗黨且
當人事宜不能體會得但知學言語念向皮
袋裏安著到處稱我會禪還替得汝生死麼
輕忽老宿入地獄如箭我纔見汝入門來便
識得了也還知麼急湏努力莫容易事持片

衣口食空過一生明眼人笑汝久後終被俗
漢等將去在宜自看遠近是阿誰面上事若
會即便會若不會即散去珍重問如何是西
來意師便打自餘施設皆被上機中下之流
莫窺涯涘唐大中年終於本山謚斷際禪師
塔曰廣業 古尊宿語錄卷第三 密三